

PENDAFTARAN BAGI PERKHIDMATAN PENGURUSAN SISA PEPEJAL DAN PEMBERSIHAN AWAM SEDIA ADA BAGI JABATAN PENGURUSAN SISA PEPEJAL NEGARA (JPSPN)

Garis Panduan Am Permohonan Lesen/Kelulusan/Permit melalui BLESS

- Permohonan lesen/kelulusan/permit melalui BLESS boleh dilakukan oleh pemohon daripada individu, syarikat, perniagaan, koperasi, pertubuhan persendirian, agensi kerajaan, perunding dan institusi.
- Pemohon mestilah terlebih dahulu mendaftar sebagai individu dalam BLESS dan seterusnya mendaftarkan entiti yang diwakilinya sama ada syarikat, perniagaan, koperasi, pertubuhan, agensi kerajaan, perunding atau institusi. Maklumat profil syarikat dan perniagaan dalam BLESS harus diperolehi melalui proses *extraction* daripada sistem e-Info di Suruhanjaya Syarikat Malaysia (SSM) terus ke dalam BLESS dan pemohon dikenakan bayaran sebanyak RM15.00 oleh SSM.
- Pemohon mesti memilih entiti yang diwakili sebelum meneruskan pemilihan lesen dan seterusnya mengisi borang atas talian bagi lesen tersebut.
- Sebarang pembayaran fi kepada agensi semasa proses permohonan boleh dibuat menggunakan fungsi e-Payment yang terdapat dalam BLESS (khusus bagi agensi yang telah mengaktifkan fungsi ini). Pembayaran juga boleh dibuat secara manual dan maklumat serta bukti pembayaran perlu dimaklumkan kepada agensi berkaitan.
- Bagi permohonan yang melibatkan *upfront payment* (pembayaran dibuat sebelum penghantaran permohonan), pembayaran perlu dibuat terlebih dahulu menggunakan fungsi e-payment (tiada pembayaran secara manual dibenarkan). Penyerahan permohonan tidak akan dibenarkan sehingga pembayaran tersebut dibuat.
- Pemohon dikehendaki untuk memuat naik dokumen-dokumen seperti yang disenaraikan di dalam garis panduan khusus bagi lesen berkaitan bersama borang permohonan yang lengkap bagi penyerahan melalui BLESS.
- Semua dokumen sokongan boleh dimuat naik melalui BLESS dalam semua jenis format dokumen (*Word, Excel, Powerpoint* dan sebagainya) melalui kemudahan muat naik yang disediakan.
- Pemohon juga boleh mengimbas dokumen-dokumen asal dan imej yang berkaitan menggunakan format jpeg atau format-format lain yang relevan untuk dimuat naik ke dalam BLESS.
- Sekiranya pemohon tidak dapat memuat naik dokumen-dokumen tertentu (lukisan-lukisan), sila serahkan dokumen tersebut secara manual (melalui pos atau datang sendiri ke kaunter) mengikut keperluan agensi berkenaan. Untuk sebarang penyerahan manual, pemohon mesti menyatakan nombor rujukan penyerahan BLESS di dalam setiap dokumen.
- Permohonan yang telah lengkap berserta dokumen sokongan boleh dihantar secara atas talian dalam BLESS dan notifikasi akan dihantar kepada pemohon melalui email.

Garis Panduan Khas Pendaftaran Perkhidmatan Pengurusan Sisa Pepejal Dan Pembersihan Awam Sedia Ada

- 1 Pendaftaran ini adalah bertujuan untuk mendaftarkan mana-mana agensi atau jabatan Persekutuan atau Negeri, pihak berkuasa tempatan atau mana-mana orang/syarikat yang sedang:
 - 1.1 mengusahakan atau menyediakan apa-apa perkhidmatan pengurusan sisa pepejal;
 - 1.2 menguruskan atau mengendalikan apa-apa kemudahan pengurusan sisa pepejal; atau
 - 1.3 mengusahakan atau menyediakan apa-apa perkhidmatan pengurusan pembersihan awam.

- 2 Agensi atau jabatan Persekutuan atau negeri, pihak berkuasa tempatan atau mana-mana orang/syarikat yang menyediakan Perkhidmatan Pengurusan Sisa Pepejal dan Pembersihan Awam seperti di atas perlu mendaftar agar mereka boleh terus memberi perkhidmatan apabila Akta Pengurusan Sisa Pepejal dan Pembersihan Awam 2007 (Akta 672) dikuatkuasakan pada 1 September 2011 sehingga lesen dikeluarkan dalam tempoh satu tahun dari tarikh kuatkuasa atau mana-mana tempoh yang ditentukan oleh Ketua Pengarah Pengurusan Sisa Pepejal dan Pembersihan Awam. Permohonan pendaftaran hendaklah dibuat secara online di laman web www.bless.gov.my.

- 3 Walau bagaimanapun pendaftaran bagi perkhidmatan berikut :
 - i perkhidmatan pemungutan sisa pepejal isi rumah;
 - ii perkhidmatan pemungutan sisa pepejal keinstitutional awam;
 - iii perkhidmatan pemungutan sisa pepejal awam; dan
 - iv perkhidmatan pembersihan awam (semua aktiviti)
 - v. perkhidmatan pengurusan atau pengendalian kemudahan pengurusan sisa pepejal yang ditetapkan

telah pun tamat tempoh pendaftarannya pada **31 Julai 2012**. Bagi melaksanakan perkhidmatan di atas, pihak tuan perlu memohon lesen bagi

perkhidmatan tersebut bermula dari **1 Ogos 2012** bagi perkara 3(i-iv) dan **19 Februari 2014** bagi perkara 3(v).

4 Bagi Penyedia Perkhidmatan Pemungutan Sisa Pepejal Komersial, Sisa Pepejal Pembinaan, Sisa Pepejal Perindustrian dan Perkhidmatan Operasi Kemudahan Pengurusan Sisa Pepejal Selain Daripada Yang Ditetapkan di negeri-negeri berikut boleh meneruskan pendaftaran mereka sehingga ke tarikh yang akan ditetapkan kelak:

4.1 Johor;

4.2 Melaka;

4.3 Negeri Sembilan;

4.4 Wilayah Persekutuan Kuala Lumpur;

4.5 Wilayan Persekutuan Putrajaya;

4.6 Pahang;

4.7 Kedah; dan

4.8 Perlis.

5 Penyedia Perkhidmatan Pengurusan Sisa Pepejal dan Pembersihan Awam di negeri **Perak, Kelantan, Terengganu** dan **Wilayah Persekutuan Labuan** sedia ada hanya boleh mula mendaftar sebaik sahaja tarikh pendaftaran bagi negeri-negeri tersebut diumumkan oleh Ketua Pengarah Pengurusan Sisa Pepejal dan Pembersihan Awam.

6 Keingkarannya Pemberi Perkhidmatan Pemungutan Sisa Pepejal Komersial, Sisa Pepejal Pembinaan, Sisa Pepejal Perindustrian dan Perkhidmatan Operasi Kemudahan Pengurusan Sisa Pepejal Selain Daripada Yang Ditetapkan untuk mendaftar dalam tempoh yang ditetapkan akan menyebabkan sebarang aktiviti perkhidmatan pengurusan sisa pepejal dan pembersihan awam yang dijalankan adalah salah disisi undang-undang.